

合肥縣志卷第二十五

賜進士出身廬州府合肥縣知縣左輔纂修

列女傳第一

宋

崔氏合肥包總妻總樞密副使拯之子早亡惟一稚兒拯夫婦意崔不能守也使左右嘗其心崔蓬垢涕泣出堂下見拯曰翁天下名公也婦得齒賤獲執澣滌之事幸矣況敢污家乎生爲包婦死爲包鬼誓無他也其後稚兒亦卒母呂自荊州來誘崔欲嫁其族人因謂曰喪夫守子子死孰守崔曰昔之畱也非以

子也舅姑故也今舅歿姑老矣將舍而去乎呂怒詛罵曰我寧死此決不獨歸須爾同往也崔泣曰母遠來義不當使母獨還然到荊州倘以不義見迫必絕於尺組之下願以屍還包氏遂偕去母見其誓必死

卒還包氏

宋史。舊志云熙寧中敕封嘉泰郡君

張奴兒張勝女也淳熙十一年冬母病劇奴兒割股肉以食母病卽愈淳熙十二年知廬州軍事王希呂以其事上聞刻石嘉之

明府志

元

張氏女廬州人嫁爲高屋妻母病日喪明張氏歸省

抱母泣以舌舐之目忽能視州縣各以狀聞褒旌之
元史

蔣氏忠宣公余闕妻及妾耶卜耶律氏闕死時率其
女安安子德臣甥福童赴井死

續資治通鑒綱目

明

方氏陳順妻年二十一夫亡事舅姑三十年天順元
年旌

曹氏京兆伯宋國興妻國興戰歿曹守節封貞烈夫
人旌閭

黔國公吳復妾見復傳

張氏漳國公鄭亨妾見亨傳

韓氏興國公郭亮妾見亮傳

朱氏徐錫蔭妻見蔡國公徐忠傳

萬氏袁昱妻年二十夫亡無子紡績侍舅姑五十七年弘治元年旌

張氏二女正德壬申春流賊入境欲驅二女行女相攜赴水死得屍手猶不解

嚴氏無爲州人郡人王用廣妻夫亡守節三十五年成化七年旌以子瓚贈孺人

張氏孝子鄭杲妻正德九年杲以父喪廬墓卒於墓

所氏年二十七無子紡績事姑卒年六十九

朱氏鄭梁妻年二十八夫亡事祖姑袁氏姑張氏苦節四十一年

趙氏吳一朝妻年十九夫亡自縊奉旨旌

羅氏生員王治妻徐氏治弟浣妻治浣皆早亡二氏同心砥節皆奉旨旌郡縣扁曰雙貞竝美

胡氏李箕妻年十九夫亡守節五十六年子收春府學生每直指按廬歲給茶果銀兩蔡尙寶悉有一守能光三世業七旬堪慰九泉魂之句

陳氏李方膺妻方膺業賈年三十卒於外陳親迎櫬

歸姑歿舅年八十卧病在床夢中若有人告曰亟易
乃翁寢處陳驚起扶舅過別榻而室傾矣聞者咸謂
節孝所感壽至八十子文郁萬厯丁未進士享祿養
十餘年奉旨旌

王氏龔銓妻年二十八夫亡子濂亦早卒濂妻陸氏
與王共守節後濂子承先領鄉薦孫萃肅登進士爲
二母請旌陸又以曾孫鼎孳贈一品夫人

侯氏陸萬鵬妻姑周氏病篤忽思肺羹氏乘夜剖肝
出寸許達旦欲取爲羹肉縮復剖右股肉和糜以進
姑病遂愈

詹氏生員謝昌言妻昌言病篤呼詹曰汝艱苦已極
須早爲衣食計勿再遇如昌言者詹慟哭請先殉遂
自縊未幾昌言亦死

蔣氏李可教妻年二十夫亡子光元縣學生又死撫

孫當泰中天啟丁卯舉人歷仕兵部蔣卒年八十當泰

後改名遠

李氏王一龍妻年十九夫亡守節五十年旌子若孫
皆縣學生

王氏生員儲如英妻有殊色崇禎壬午爲賊所逼氏
罵不絕口引懷中刃刎死邑人共捐金葬名烈婦塚

玉氏舉人高士貞妻壬午聞賊至以簪珥分僕婢令
護子女出城氏將投井其婢梅兒牽衣勸少緩曰見
賊死未晚也氏曰見賊恐不得死所矣遂投井長女
繼之梅兒從焉幼女後嫁生員許孫落年二十四夫
亡守節三十餘年撫二子皆縣學生知府扁曰熊丸
足采

解氏進士趙畝乙妻壬午寇變母高氏挈之行遇賊
與母同赴塘水死側室胡氏年二十八畝乙死撫孤
從子媳皆亡貞操愈篤與稚孫景傳相依爲命年七
十餘子婦汪氏亦以節稱

關氏胡一龍妻崇禎八年寇至投水死

江南通志作關氏

湛氏廩生王時彥妻壬午城破彥與賊鬪被殺湛見之罵賊死子婦張氏攜幼子投水死

黃氏胡拱極妻夫死守節流賊突至被執大罵賊怒共殺之身被七刃死

陳氏生員成允之母壬午寇變允方九歲氏指允謂其父曰善護之我當赴清流不以累君也偕姒張氏投井死

葛氏貢生蕭嗣傑妻壬午賊至投月堂菴前池水死
賊氏王希松妾城陷自剄知縣黃扁曰貞烈垂芳

周氏生員汪瑛母城破被執氏大罵賊殺之

董氏唐經國妻壬午寇變氏年十九抱幼子赴水賊追及持之氏罵賊賊怒攢鎗刺之至死罵不絕口竝其幼子俱斃經國目擊誓不再娶未幾亦死

韓氏夏聘功妻年十九夫亡壬午寇變自縊死

陸氏生員王之翰妻妾張氏流賊至欲污之不辱而死

余氏府學生胡璞母壬午賊破合肥氏隨姑抱子逃難出門一望號痛曰賊騎充斥如此去將焉往以見付姑赴園池死經旬出殮顏色如生

鄭氏張姓婢合肥人流寇至不辱而死

鍾氏昂繼謙妻年二十六夫亡守節撫孤紹善成進士

孫氏高士俊妻年十七夫以貿易溺死氏聞訃自縊知府吳大朴扁其門曰節烈可風

王氏孫季穀妻年十八夫亡遺一子壬午城陷攜子奉姑居鄉姑歿有勸改適者氏截髮自誓知府吳大朴扁曰節孝雙全卒年六十一

侯氏劉汝惠妻寇變舅姑及夫竝遇害苦節四十餘年撫二叔叔生五子族人建祠祀之

崔氏周振鼎妻振鼎遠出于午城陷值姑病氏夜負出郭跣行三十里病益篤割股以進遂愈年七十始出刀痕以示子孫

王氏趙觀乙妻明末間夫被掠哀號五日死本朝知縣張鯤翔以節烈題其墓觀乙中順治二年舉人復娶蕭氏觀乙歿撫孤苦節五十餘年

趙氏生員王驤妻劉氏程汝珍妻王某妻趙氏壬午遇賊俱投水死

梁氏胡伯勝妻孫氏王醒吾妻壬午城陷夫皆死於賊二氏流離顛沛苦節五十餘年

王氏李蒼霖妻年二十五壬午城陷賊殺其夫欲掠之氏抱夫屍哭罵不屈死

程氏生員張天寵妻年十八同母嚴氏及弟妹避賊於褚家塘賊至投水死妹年十四字許孫鏐罵賊不屈賊怒斫其面死而復甦

鄧氏廩生程得孔妻年二十五夫亡守節崇禎辛巳歲大饑氏出粟賑荒存活甚眾卒年六十七子汝璉亦以孝義聞

吳氏生員張異寵妻年十九壬午寇亂氏扶姑至東關沙中港匿蘆葦中賊搜獲欲污之不從被殺

朱氏蕭廷秀妻年十九夫亡守節卒年九十三元孫
嗣奇順治己丑進士

張氏沈維新妻事姑孝壬午城陷奉姑避賊姑病不
能行謂氏曰我老不必慮汝當自爲計氏泣曰棄姑
偷生義不爲也卒保全之又刲股救夫病鄉里稱其
孝義

王氏褚汝英妻賊污不從投水死

遺姓節婦壬午之變婦避難至縣橋遇賊投水賊下
馬掖之婦披髮大罵中數矢死

杜氏定遠縣人合肥生員張燭妻夫亡自經時年二

十

巫氏李遇春妻姑病氏刲股愈之知府賈克忠扁曰克盡婦儀子芾婦張氏明末寇亂芾侍父避難幾爲賊斃張身掖姑面受重傷賊退芾貿易養親芾有二兄貧甚食之二十餘年無間言知縣司扁曰一門雙孝

董氏蔡世纂妻壬午城陷賊縛世纂去氏投井死年二十四李氏生員世和妻世和年二十七罵賊死氏年二十五聞變率三子亦投井死靳氏舉人世模妻年二十遇變投河死

貢生蔡業峻妻王午寇變死於北十里廟祖塋
側村舍

鍾氏慈繼稷妻繼稷死守節二十餘年王午寇變攜
女避亂遇賊不屈率女赴水死

遺姓烈婦王午流寇破合肥擇婦女有色者擄至桃
城鎮賊命眾婦歌以侑酒不則殺婦大呼曰我等但
習女工及中饋事今遭大難恨不能寸磔爾焉懼死
遂被害或云婦姓唐字李旭尙未婚也年十七罵賊
死

王氏生員魯沂源妻王午城陷沂源遇賊死氏年二

十三負姑避難離亂中未嘗失禮節依姪守節卒享大年

夏氏鄭文雄妻見文雄傳

烈女高氏父翰冲讀書蜀山僧舍甲申間變死女年十八聞父殉節亦赴井死知縣張扁曰歸貞返璞今名其居處曰孝義巷

江氏梁縣人休寧生員黃某妻黃父貿易於梁因家焉甲申流寇過梁家人皆避去氏守夫病不去寇入見氏美欲犯之氏掣牀頭刀自剄脰絕死身卓立賊大驚羅拜而去家人歸瘞之宅後嘉慶七年

之修墓而銘其事于碑

合肥縣志卷第二十五